

متأسفانه جامعه‌میزده اخلاقی قایدالاری آفاقلاماق، بئرسیز حرصلنماق، مالی و غیر مالی امانتلرده خیانت، یالان، تهمت و غیبت کیمی مسأله‌لره تئز-تئز راستلاشماق اولور.

متأسفانه جامعه‌میزده اخلاقی قایدالاری آفاقلاماق، بئرسیز حرصلنماق، مالی و غیر مالی امانتلرده خیانت، یالان، تهمت و غیبت کیمی مسأله‌لره تئز-تئز راستلاشماق اولور. بیر عده آیدین اولمایان سؤزو اطمینانینان دئییلر یا شایعه‌دن آرتیق اولمایان سؤزلری حقیقت کیمی مطرح ائیلر.

دینی تعلیماتا گؤز اوچو باخساق، انسانلارا اخلاقی قایدالاری اؤرگتماغا چالیشان چوخلو سؤزلره راستلاشا بیلر. گؤزل اسلام دینی، یئر به یئر بیزلری دوزلوقا، گؤزلیغا و اخلاق قایدالارینی رعایت ائله‌ماغا چاغیریب. ائله کی بیر بو تعلیماتا عمل ائله‌سه تعالی و کمالا طرف گنده بیلر.



پیغمبریمیز نه گؤزل بویوروب: «انی بعثت لأتمم مکارم الاخلاق» من فقط اخلاق گؤزلیقلارینی اؤرگتماق اوچون مبعوث اولموشام. حقیقتده انسانین کمالی پیسلیقلاردان اوزاقلاشماقدا و گؤزلیقلار یاخینلاشماقدا بیلر، بعضاً ائله شغیلره افتخار ائلیروق کی انسانلیق اونلاردان چوخ بوخاریدیر. مثلاً انسان افتخار ائلیر کی منیم مقامیم و یا پولوم فلان کسدن چوخدور. بیر حالدا کی بونلارین رتبه‌سی انساندان داها آشاغیدیر. دوزو بودور کی انسان، دوزلوق، امانتدارلیق، عدالت و پاکلیق کیمی حقیقی قیمتی اولان شغلره افتخار ائلیه.

الله-ین یئر اوزونده انسان اوچون وئردیغی نعمتلر، اونون اخلاقی اولماسی و کمالا چاتماق اوچون واسطه و وسیله‌دیلر، عیناً بوغدا کولشی‌نین اونو بیئتشدیریب ساخلاماغا وسیله اولدوغو کیمی. اکینجی‌نین اساس مقصدی و نرمال شرایطده افتخار ائله‌دیغی محصول بوغدادیر و اونون سایه‌سینده اله گتیردیغی سامان، افتخار اولونان بیر شئی دئییل. هر چند بوغدانی اله گتیرماق اوچون کولش و سامان لازمدیر. انسانلارین اخلاقدان اوزاق اولوب دنیا مالینا افتخار ائله‌ماقلاری، بیر اکینجی‌نین بوغدایا یوخ بلکه سامانا ائله‌مه‌سینه بئزر.

انسان الینده اولدوغو نعمتلردن، کمالا چاتماق اوچون لایب یاخجی صورتده استفاده ائله‌مه‌لیدیر. بونا گؤره انسان نچه وقتدن بیر اوزونو یوخلامالیدیر کی گؤره‌سن الله-ین اونا وئردیغی نعمتلردن دوزگون استفاده ائلیه بیلر یا یوخ؟ گؤره‌سن اولکی یئریندن و رتبه‌سیندن داها بوخاری گنده بیلر یا یوخ؟

اسلامی تعلیماتا گؤره، هر کس بیزیم باره‌میزده پیسلیق ائله‌سه، نتیجه‌ده بیزه قازاناجاق. چونکی اونون ثوابلاریندان آزالیب و بیزیم ثوابلاریمیزا آرتیریلماق. اما اوزوموزه ائله‌دیغیمیز ظلم تماماً ضرر اولاجاق. الله-ین بیزه وئردیغی نعمتلردن ده دوزگون استفاده ائله‌مه‌ماق اؤز حقیقتمیزده ائله‌دیغیمیز بؤیوک ظلملردندیر. ائله بیل کی انسان اوتوردوغو بوداغی کسماغا مشغول اولور.

بونا گؤره انسان هر ایشدن اول و هر سؤزو دانیشماقدان اول، اونون نتیجه‌سی باره‌ده دوشونمه‌لیدیر، سونرا اونو دوز و فایدالی تشخیص و نرسه اونا عمل ائله‌مه‌لیدیر. بیر آیری سؤزون «سؤزو آغیزدا پیتشیریب سونرا دانیشماق لازیمیدیر».

انسان جامعه‌یه نسبت، شاخه کیمیدیر آغاجا. یعنی بیر شاخه آغاجین آیری قسمت‌لرینه ضرر یئتیرسه، ائله اوزونه ضرر یئتیریب. بو ضرر ایندی‌ده بیلمه‌سه سونرا تأثیری اونا چاتاندا آتلا یاچاق. ائله، بیر انساندا جامعه‌نین او بیر انسانلارینا ضرر یئتیرسه، اؤزو ده بیلمه‌سه حتماً او ضرردن اؤز پایینی آلاجاق.

بونا گؤره حدیثده واریمیز کی بیر ساعت فکرلشماق، یئتمیش ایل عبادتدن بوخاری و داها یاخجیدیر.

اجتماعی -- تربیت فرزند -- کثیف‌کاری، مهارت یادگیری کودکان را به شدت تقویت می‌کند!

[http://www.tebyan-tabriz.ir/farsi/?pageid=993&type=articles&id=63586&t\\_b=Meshki](http://www.tebyan-tabriz.ir/farsi/?pageid=993&type=articles&id=63586&t_b=Meshki)

### تؤکوب-داغیتماق اوشاغین اؤرگشماق مهارتینی جوخالدار

تازا تحقیقین نتیجه‌لری گؤرسدیر کی، اطرافدکی شغیلره ال ووران، اونلاری دیشینه آلان و تؤکوب داغیدان اوشاقلارین اؤرگشماق مهارتی بوخاری اولور.

اوشاقلارین تؤک-داغیدی والدینه خوش گلمه‌سه‌ده بو تحقیقین نتیجه‌لری گؤرسدیر کی بو عمل اوشاقلارین اطراف باره‌سینده‌کی درکینی آرتیریر.

آیوا دانشگاهی محقق‌لری‌نین تحقیق‌لری گؤرسدیر کی، اطرافدکی شغیلره ال ووران، اونلاری دیشینه آلان و مخصوصاً یئمهلی زادلاری \_تؤکوب داغیدان اوشاقلارین اؤرگشماق مهارت‌لری بوخاری اولور.

بو تحقیقده 72 اون آلتی آیلیق اوشاغین مهارتی، مختلف زادلاری اونلارین اختیاریندا قویماغینان مطالعه اولدو. محقق‌لر مرتباً، پنیر، آش کیمی 14 یئمهلی، اوشاقلارین اختیاریندا قویولار و هر بیرکین آدینی dax یا kiv کیمی ساده کلمه‌لرین اوشاقلارا اؤرگتدیلر.

بیر آر سونرا همان زادلاری فرقی شکلده اوشاقلارین اختیاریندا قویولار و اونلارین آدلارینی سوروشدولار.

تحقیق‌لر نشان وئردی کی، داها چوخ تؤک-داغیت ائدن و هر بئری باتیران اوشاقلار و هر شئی آغیزلارینا آپاران اوشاقلار، اونلارین آدلارینی تمیز و مرتب اوشاقلارا نسبت داها یاخجی یاددا ساخلا بیللر.

تؤکوب-داغیدان اوشاقلاردا، شغیلرین آدینی دوز بیلماق شانس، یوزده یئتمیشیدک اما تمیز و مرتب اوشاقلاردا بو شانس یوزده اللی ایدک.

بو تحقیقین آیری بؤلومونده اوشاقلار ایکدی دسته‌به بؤلوندولر. بیر دسته‌سی اوچا صندل‌لرین اوستونده و بیر دسته‌سی میز اوستونده اوتورلدولار. اوچا صندل اوستونده اوتوران اوشاقلار او بیر دسته‌یه نسبت داها چوخ اؤرگشه بیلیدیلر. نیبه کی داها چوخ لمس ائله‌ماق و تؤک-داغیت امکانلاری واریدک.

بو مطالعه‌نین ارشد یازانی دکتر «لاریسا سامونلسون» دئییر: «ویناماق و مختلف شغیلر لمس ائله‌ماق، اوشاقلارین اؤرگشماق مهارتینی چوخ بوخاری آبارار».

بو تحقیقین نتیجه‌لری Developmental Science مجله‌سینده چاپ اولوب.

